

Մարզպետ Էդվարդ Հովհաննիսյանի շնորհավորանքի խոսքը  
Եզդիական համայնքին Նոր տարվա՝ Մալաքե Թաուսի առթիվ  
(20.04.2022 թ.)

Հայաստանի եզդիական համայնքի հարգելի ներկայացուցիչներ,  
Ջերմորեն շնորհավորում եմ Նոր տարվա՝ Մալաքե Թաուսի տոնի կապակցությամբ:  
Հայ և եզդի ժողովուրդների կապը գալիս է հնագույն ժամանակներից, ու դա են  
փաստում թե՛ ժամանակակից, թե՛ պատմական աղբյուրները:

Հայ ժողովրդի պատմությունը նաև եզդիների պատմությունն է, քանզի հայերի համար  
դժվարին ժամանակներում միասին պայքարել ու մաքառել են՝ հանուն հայրենիքի, հանուն  
խաղաղ ու բարեկեցիկ կյանքի: Ուստի, մենք հպարտ ենք, որ դուք ձեր ապահով տունն եք  
գտել մեր հայրենիքում, որ ապրում եք ազատ, լիարժեք, պահպանում ձեր մշակույթը, լեզուն,  
պատմությունն ու ավանդույթները, ինչը հանդուրժողականության յուրօրինակ դրսևորում է  
սերունդների համար: Իսկ Արմավիրի մարզում գտնվող արդեն 10-ը տարվա պատմություն  
ունեցող սրբատեղին վկայությունն է հայ և եզդի ժողովուրդների եղբայրության,  
հավատարմության ու հարատև բարեկամության:

Սիրելի հայրենակիցներ, շնորհավորելով բոլորիդ այս լուսավոր տոնի՝ Մալաքե Թաուսի  
կապակցությամբ և միանալով ձեր ուրախությանը՝ ցանկանում եմ խաղաղություն մաղթել  
Մայր հողին, անվտանգ ծառայություն երկրի սահմանները պահող հայ և եզդի  
քաջորդիներին ու խոնարհվել հանուն հայրենիքի նահատակված հերոսների հիշատակի  
առջև:

Թող նոր տարում խաղաղ երկնքի ներքո հասնեք ձեր փոքր ու մեծ, անձնական ու  
համընդհանուր նպատակների իրականացմանը: Թող Մալաքե Թաուսը բարօրություն, սեր  
ու խնդություն պարգևի բոլոր ընտանիքներին:

Ամենայն բարիք:

Շնորհավոր Մալաքե Թաուս:

**Լավագույն ցանկություններով՝  
Էդվարդ Հովհաննիսյան**